

Di vil getruwe mir daz riet
Daz ich balde nach dir riet
Vn di not di si da lute
Daz ich dir di dagete
Si wante daz nicht vragete
Din elle an vns beiden
Si u vrbent vns di heiden
Din eines lip daz wente
Ob got den sin dir sente
Daz du zu troste vns quemes
Vn van deme tode nemes
Si u var ich ane trost van him
Ich vant v lust da ich gewin
Solde haben vunden
Woche ich nu impuden
Sa muz der cristenliche legen
Vir war des ungeloben pflegen
Ich darf dich nicht vorbaz vten
Daz ich ni were her geruen
Daz woldich nemen vor gutis vil
Vil balde ich nu gahen wil
Kegē provinciale lante
Da han ich gelan zu pfande
K yburgē di vil reinen
Der herce mich kan meinen
Mit grozer truwe stete
Waz willehalm du tete
Her nam vrlap vn reit hin
Nu wart getrostit med sin
Her reit da ane raste
I z gaheten kegen im vaste
Z vne rite vn vier knechte
Vil gar nach botē rechte
Di bestatē wol te ilen
Si machten raste zu milen
Swer vurec libe more
Willehalmes herce swere
Van den botē gar vswant
Si sprachen herre di gotis hant
Vwer forge hat vswendit

Vns hat zu vch gesendit
K yburg vn hie v daz sagen

Daz got an nimāne kan vtragen
Swer ime helte getruwet
Si ūmer der missebwet
An nichte des ir weiben sol
Wi vnse kumerliche dol
Herre sich v endit hat
Des dankit ir der trinitat
Vn ir gotliche macht
Rechte an sente iohānes nacht
Du begunde daz mer ir gizen
Ob al di vlut vlizen
Daz si ware in grozer not
Got dar zu eine vrost gebot
Daz si waren nah ir vrom
Du got i ceigete sine zoen
Du hup vil gar sich daz her
Alzumale of daz mer
Di vnseiligen v wochren
Di engelliche vochren
Daz sich daz mer zu breche
Vn got an in daz reche
Daz her in so vsmahen kan
Terramer der kune man
Was der erste of den kil
Daz wet ime nicht wol gevil
Si waren alle nah ir vrom
Der markis vil hoch geborn
Her ir beize of di erde
S uzer got vil werde